

Библейско-богословская коллекция
Серия «СВЯТООТЕЧЕСКИЕ ТВОРЕНИЯ»

Свт. Димитрий Ростовский

СЛОВО

В ДЕНЬ СВЯТОЙ

ВЕЛИКОМУЧЕНИЦЫ

ЕКАТЕРИНЫ

Христианское чтение, 1847, ч. 4, с. 40-64

© Сканирование и создание электронного варианта:
издательство «Аксион эстин» (www.axion.org.ru), 2009



Санкт-Петербург
Аксион эстин
2009

III.

С Л О В О

СВ. ДИМИТРІЯ РОСТОВСКАГО

ВЪ ДЕНЬ СВ. ВЕЛИКОМУЧЕНИЦЫ ЕКАТЕРИНЫ (¹).

*Уподобися царствіе небесное
десятиимъ дѣвамъ, яже прііша
свѣтильники своя и изыдоша въ
срътеніе жениху..... Бдите
убо, яко не вѣсте дне ни часа, въ
онѣже Сынъ чловѣческой прі-
идетъ (Мат. 25. ст. 1—14).*

Въ прерадостный нынѣшній праздникъ, въ
онѣже святыя Великомученицы Екатерины

(¹) Этого слова въ печатномъ собраніи Твореній Святителя Димитрія Ростовскаго не находится; найдено оно въ Казани въ одномъ сборникѣ сочиненій св. Ди-

доблественное житіе на земли и преславное на небеси торжество празднуется, великую нынѣ радость предлагаетъ намъ Церковь святая, и нынѣшнимъ Евангеліемъ такому торжеству зѣло приличнымъ, православніи слушателие! предлагаетъ намъ бракъ нѣкоего великаго, преславнаго жениха, всякаго изобилія, всякія сладости исполненный, отъ котораго брака никтоже отъ насъ, и самый худшій и малѣйшій, выключается, но паче всякъ кійждо доброжелательно призывается.

Женихъ сей есть Спаситель нашъ, Богъ и Господь Іисусъ Христосъ; бракъ, на который призываетъ, есть царствіе небесное, въ которомъ безъ всякаго сомнѣнія всякое благо, всякая радость безъ всякія скорби и печали и скудости имѣется, яко о семъ, кромѣ нынѣшняго Евангелія, свидѣтельствуется Божественное Писаніе. Сице Іоаннъ Креститель о Господѣ нашемъ Іисусѣ Христѣ глаголетъ: *имѣяй невѣсту женихъ есть: а другъ жениховъ, стоя и послушая его, радостію радуется за*

митрія, писанномъ въ 1757 году, и доставлено въ редакцію изданія Казанской Д. Академіи Баккалавромъ Г. М. Морошкинымъ.

слава жениховъ (Іоан. 3, 29). Тожде показа Господь притчею о царѣ, вже сотвори бракъ сыну своему, сирѣчь Царь небесный Единородному Сыну своему (Мат. 22, 1). Іоаннь, наперсникъ Господень, въ Апокалипсисѣ свидѣтельствуеть: *радуимся и веселимся, и дадимъ славу Ему: яко прииде бракъ Агнцій, и жена Его уготовала есть себе* (Апок. 19, 7). Таяжде подъ именемъ жениха и брака показываютъ иная Божественная Писанія. Тако бо Духъ Святый, снисходя нашего ума слабости и малоумія, обыче въ Писаніи невѣдомая и непостижимая изъясляти вѣдомымъ, небесная земнымъ, духовная тлѣнными, Божественная человѣческими, аще оная и безъ сравненія лучшая и большая сихъ, имиже изъясляетъ я. И тако неизреченная любовь Христа Спасителя нашего къ намъ изъясляется именемъ жениха, пожеже вѣдаемъ, яко женихъ безмѣрно любитъ свою невѣсту, не яко Онъ прямой по человѣчеству женихъ есть, но дабы мы вѣдали, коль велия любовь Христова къ намъ есть, юже изъясляя, не устыдѣлся женихомъ нарещися. Хотящъ же изъяснити неизреченное веселіе на небеси, бракомъ сіе нарицаеть, не аки бы

на небеси тако брачилися чловѣцы, якоже на земли, нѣже ни женятся, ни посягають, но равно Ангели суть, но дабы чловѣцы брачное веселіе вѣдущіи и въ самое большее на земли вмѣняющіи е, помыслили, коликая радость праведниковъ есть на небеси, юже Спаситель изъявляетъ бракомъ.

Тако и иная множайшая въ Писаніи изъявляетъ намъ Духъ Святый великая малыми, снисходя дебелости ума нашего. Невѣсты дѣвы сего Жениха небеснаго суть души вѣрующихъ во Христа, вси обще и каждая отъ нихъ, или вся Церковь Христова и уди ея мы сами, аще вѣрніи есьмы, яко надѣмся. Въ той силѣ рече Апостолъ къ Коринѣяномъ: *обручихъ васъ единому мужу дѣву чисту представити Христови* (2 Кор. 11, 2), и къ Ефесеямъ: *якоже церковь повинуется Христу, такожде и жены своимъ мужемъ во всемъ* (Ефес. 5, 24), и мало ниже: *мужіе, любите своя жены, якоже и Христосъ возлюби церковь, —* (ст. 25), и паки: *оставитъ чловѣкъ отца своего и мать, и прильпится къ женѣ своей, и будетъ два въ плоть едину. Тайна сія велика есть, азъ же глаголю во Христа и во церковь* (ст. 31. 32). Понеже убо церковь ничтоже

ино есть, токмо собраніе вѣрныхъ, ихъже церковь банею пакибытія, сирѣчь крещенія, яко раждаетъ Христу, и сія церковь есть невѣста Христова, по свидѣтельству Божественныхъ Писаній: потому и вси вѣрніи суть невѣсты Христовы. Аще и прямыя дѣвы сватыя и всѣ дѣвственницы, непричастившіяся браку плотскому, во еже бы имъ духовно сочетатися Христу, суть Его невѣсты особливимъ нѣкимъ образомъ, обаче и прочія всѣ души Христіанскія невѣсты Христовы суть: понеже въ раю обручишася Ему и любовію соединишася, о совершеніи духовнаго брака въ царствіи небесномъ въздыхаютъ, не престанное день и ночь желаніе его имуще. Колякое сіе благо есть, душъ человѣческой сочетатися Христу Богу, аще кто умоумъ постигнути, или достойно помыслити можетъ, ничтоже сего честнѣе и сладостнѣе въ семъ и будущемъ вѣцѣ возможетъ обрѣсти. Но сіе, яко неизреченное оставльше, или на иное время о томъ богомысліе отложше, разсудимъ нынѣ паче и изъ предложенія Евангельскія притчи научимся, что творити подобаетъ намъ, да на оный преблаженный бракъ, въ чертогъ небесный внити сподобимся.

Сіе все отъ качествъ мудрыхъ дѣвъ, яже едины видоста на браки, буимъ отверженнымъ бывшимъ, уразумѣти возможемъ. Но и сія вся аще бы по одному восхотѣли разсуждати, продолжилось бы слово; того ради едино только самое лучшее мудрыхъ дѣвъ качество, наипаче отъ Господа нашего въ сей притчѣ намѣренное, еже есть мудрость, приемемъ въ разсужденіе, яже едина довольна есть къ полученію желаемаго брака. Сице убо Господь притчу сію заключаетъ: *бдите убо, яко не вѣсте дне, ни часа, въ оныже Сынъ человеческій придетъ*. Отъ сего явно есть, яко вся въ притчѣ Господомъ нашимъ реченная къ сему концу речена суть, сирѣчь, къ возбужденію насъ къ бодрствованію о нашемъ спасеніи; и потому всякъ, иже бодрствуетъ, какъ бы ему внити на оный пре-
 блаженный бракъ, сирѣчь, иже имать попеченіе о своемъ спасеніи, той есть отъ числа мудрыхъ дѣвъ, а иже спитъ нерадящъ о своемъ спасеніи, той есть въ числѣ дѣвъ буихъ, имже затворишася двери чертога небеснаго. Егда же глаголемъ, яко къ бодрости о спасеніи возбуждаетъ насъ Спаситель нынѣшнимъ Евангеліемъ, да не речеть кто,

яко возбраняетъ весьма спасти человѣку, требующему сна тѣлеснаго по естеству своему. Увѣщаніемъ къ бодрости духовной не запрещается сонъ тѣлесный къ содержанію житія сего и здравія потребный, и въ самомъ бо нынѣшнемъ Евангеліи написано не только о буихъ, но и о мудрыхъ дѣвахъ: *воздремаша вся и спашу*. Но запрещается сонъ таковой, иже есть нерадѣніе о спасеніи, каковъ можетъ быти и въ неспящихъ. Сонъ убо сей злый есть, еже не памятовати о Бозѣ Создателѣ своемъ, о смерти, о страшномъ судищи, о будущей жизни, и такового ради забвенія всякое беззаконіе и всякую неправду дерзновенно творити; каковымъ злымъ сномъ объята быша онін безстыдніи судіи Израильстїи, умысливши беззаконіе неправедное Су-санинѣ, о нихъже глаголетъ Писаніе: *развратиша умъ свой и уклониша очи свои, еже не взирати на небо, иже поминати судьбъ праведныхъ* (Дан. 13, 9). Бодрость убо или бдѣніе о полученіи брака небеснаго сіе есть: во еже всегда имѣти въ памяти Творца своего, Судію живыхъ и мертвыхъ, воздающа комуждо по дѣломъ его, будущій вѣкъ безконечный, кончину жизни сея, и сею памятію воздержн-

ватися отъ всякаго зла. Безъ таковаго бдѣнія никтоже можетъ внити на преблаженный оный бракъ небесный, якоже Спаситель намъ притчею и ясными словамъ показати изволя. Не видоша дѣвы юродивыя на бракъ къ жениху своему: понеже умедляша пріяти. Егда были отверсты двери, въ то время онѣ пошли къ продающимъ, купити елея, а тѣмъ временемъ затворены быша двери чертога. Когда бы онѣ прежде уготовили елей, якоже сотвориша мудрыя, безъ сумнѣнія не лишились бы сего брака: ни една бо вина ихъ воспоминается, кромѣ сея, яко не быша готовы изыти въ срѣтеніе жениху своему. Не быша же готовы, яко не имѣяху бдѣнія и попеченія о семъ, забывши о дни и часѣ пришествія женихова, и того ради Спаситель всѣмъ намъ заповѣдуетъ: *бдите убо, яко не вѣсте дне, ни часа, въ оубже Сынъ человеческій приидетъ*: чему иными многими писаньми увѣщаваеъ насъ, кромѣ нынѣшняго Евангелія, якоже абіе услышамъ.

Всеу о томъ вопрошалъ бы кто причины; понеже большая всѣхъ причина сего есть самая природа, яко безъ того невозможно внити въ чертогъ небесный, и то Еванге-

ліе ясно показуєть; якоже, наприкладъ, всеу бы вопрошалъ кто причины, для чего судно потребно есть хотящему съ единого берега на другой чрезъ рѣку перейти. Понеже чловѣку естественно невозможно рѣки ногами своими перейти: самая убо нужда, самая большая причина есть бдѣти всякому о спасеніи своемъ, понеже безъ того спасенія получить невозможно, якоже самъ Господь сказа намъ. Но сверхъ того, не едина причина есть сего. Малая ли причина сія есть, юже самъ Спаситель намъ даетъ: *бдите убо, рече, яко не вѣсте дне, ни часа, въ оныже Сынъ чловѣчскій приидеть?* Не вѣмы дне, ни часа, въ оныже Господь приидеть къ намъ, сирѣчь: не вѣмы, въ кін дни и часы разлучится отецъ съ сыномъ и предстанеть Судии Христу; того ради всегда готовы есмы должны быти, еже многими писаньми твердитъ намъ Господь, дабы сіе помышленіе водрузилося въ сердцахъ нашихъ. Тако, кромѣ нынѣшняго Евангелія, въ другихъ мѣстахъ глаголетъ: *бдите убо; не вѣсте бо, когда Господь долу приидеть, вечеръ, или полунощи, или въ пѣтло-машеніѣ, или утро: да не пришедъ внезапно, обрящеть вы спляца. А яже вамъ глаголю,*

вспль глаголю бдите (Марк. 13, 36. 37). И вы подобни челоукомъ чающимъ Господа своего, когда возвратится отъ брака, да пришедшу и толкнувшу, абіе отверзутъ ему. Блажени раби тїи, ихъже пришедъ Господь обрящетъ бдящихъ. И аще приидетъ во вторую стражу, и въ третїю стражу приидетъ, и обрящетъ ихъ тако, блажени суть раби тїи,—и приводитъ подобіе: се же вѣдите, яко аще бы вѣдалъ господишъ хранины, въ кїи часъ тать приидетъ, бдѣлъ убо бы, и не бы далъ подкопати дому своего. И вы убо будите готови: яко въ оныже часъ не мните, Сынъ челоуческой приидетъ (Лук. 12, 36-38). И пакы у того же Евангелиста: внемлите же себѣ, да не когда отягчаютъ сердца ваша обьяденїемъ и пїянствомъ и печальми житейскими, и наидетъ на вы внезапно день той (Лук. 21, 34). И св. верховный Апостоль Петръ: вспль кончина приближися. Уцѣлюмудритесь убо и трезвитесь въ молитвахъ (1 Петр. 4, 7). И наперсникъ Христовъ Іоанвъ глаголетъ: се гряду, яко тать: блаженъ бдѣи и блудый ризы своя, да не нагъ ходитъ, и узрятъ срамоту ею (Апок. 16, 15).

Сими и прочими множайшимъ словами увѣщавасть Господь, да всегда бдимъ, воз-

двигше умъ и помышленія и чаянія пришествія Его, егоже дни, ни часа не вѣмы, да пришедъ обращеть ны готовы, а не събуими дѣвы обрѣтъ насъ неготовыхъ, отвержется насъ, и заключитъ двери чертога своего. Бдѣнія сего время есть время житія нашего: донележе бо живемъ, отверсты суть двери, имже возможно внити въ чертогъ небесный; по кончинѣ же жизни сея затворятся. Воздвигнулъ нѣкогда прозорливій очеса своя высокопарный орелъ Иоаннъ Богословъ на небо и видѣ отверстая врата небесная: *по сихъ, рече, видѣхъ: и се двери отверсты на небеси* (Апок. 1). А въ нынѣшнемъ Евангеліи речено: *и затворены быша двери*. Какъ затворены, яже Богословъ видитъ отверсты? Тако. Егда въ жизни сеи обрѣтаемся, отверсты суть всякому изъ насъ двери небесныя; егдаже отъ жизни сея преидемъ на иное житіе, не готови на бракъ, затворятся двери небесныя, якоже затворишася буимъ дѣвамъ. Елико убо время живемъ, бдѣти подобаетъ, да внидемъ прежде, нежели затворятся и не отверзутся кътому двери, и невозможно намъ оставити радѣніе о семъ; понеже непріятель душъ нашихъ не спитъ, но всячески

тщится, какъ бы насъ удержати на пути семъ, чимъ ни есть препятствіе положить. Аще убо супостатъ бдѣть на зло наше, кольмя паче намъ бдѣти подобаетъ во благое наше. Во истину глупъ бы былъ воинъ той и недостойнъ имени военнаго, который бы на поли стоялъ, вѣдая непріятеля недалече себѣ суца и всякій промыслъ и попеченіе имуща на поражение его, и спалъ и лишился бы о семъ промысла: глупый и отчаянный той бы былъ, а не воинъ. Брань есть житіе человѣческое, якоже рече праведный Іовъ; и потому вси человѣцы, родившіеся въ мірѣ, на брань изыдоша отъ чрева материя. Непріятель свѣлый и лютый, вооруженный сонмами своими, кругомъ всякаго ходитъ. И нѣсть ли намъ нужды ко бдѣнію и бодрости? Развѣ лишенный ума и отчаявшійся спасенія своего восхощетъ спати и нерадѣти, ишедъ на брань съ толикимъ непріателемъ.

Другой примѣръ: не токмо безуменъ, но и страшенъ былъ бы сонъ таковаго человѣка, который, утрудився на пути, вишелъ бы почивати и спати въ домъ худый и къ паденію преклонный, въ которомъ дому много разсѣлинъ, стѣны колеблются, котятъ пасти, но

человѣкъ оный, утрудившійся въ пути, не разсуждая сего ничего, легъ бы въ немъ спати безъ всякаго опасенія. Увидитъ нѣкто чело-вѣка сего тако спяща и о здравіи своемъ небрегуща, приходитъ къ нему, толкаетъ въ ребра и съ великимъ воплемъ будить его: слышиши ли, что здѣ дѣлаеши, безумне? Во-стани, скоро бѣжи отсюда; или не видиши бѣды надъ собою? Стѣны сія со всею храминою хотятъ пасти, уходи скорѣе, какъ можешь. А путникъ оный, сія слышащъ, и подвинутися не хочетъ отъ бѣдственнаго сна своего на ономъ мѣстѣ, а глаголетъ къ будильнику: пойди прочь, не мѣшай спати; какое до сего тебѣ дѣло? Тогда будильникъ речеть: спи убо и погибай, якоже хочещи. Житіе сіе наше чело-вѣческое во плоти стѣна есть преклоненна и оплотъ возриновець. Въ кій день, въ кій часъ, и въ кую черту часа падеть, никтоже вѣсть, аще и всякому извѣстно, яко весьма падеть и долго стояти не можетъ. Весьма худая сія храмина, плоть наша, вся поддалася многимъ различнымъ болѣзнямъ, колеблется многими непрестанными, нечаянными слу-чаями и бѣдствами, акн бурными вѣтрами. Мнитса намъ, яко подкрѣпляемъ ю и подпи-

раемъ брашнами, питіями и лекарствами, а она отъ сихъ самыхъ подкрѣпленій изнемогаетъ. Живущему въ ней подобаесть на всякій день и часъ паденія ея ожидать; но человекъ дерзновенный, паче же неразумный, упоенный вьяномъ страстей и похотей своихъ, спитъ въ хранищѣ плоти своея безъ всякаго опасенія. И егда падеть сія хранина тѣла его, возбуждается отъ сна своего и видитъ себя неготова на бракъ небесный, егда уже затворятся двери чертога.

И въ самыхъ малыхъ вещахъ, то есть временныхъ и житейскихъ, вредительно есть дреманіе и неумѣренная сонливость, еяже ради мнози не получаютъ желаемого и лишаются. Сице Сампсонъ непобѣдимый, спящъ на лонѣ блудницы, потерялъ власы главы своея, а со власами и силу, потомъ и очи, ввержень былъ въ крѣпкія узы и горькую работу. Саулъ, царь Израильскій, спящъ въ полкахъ, убіенъ бы былъ, аще бы Давидъ не пощадилъ его, иже, и коніе взявъ отъ возглавія Саула, изыде отъ него. И Иевосеей сынъ Сауловъ, почивающъ на одрѣ своемъ, въ ложницѣ убіенъ бысть. Товія очесъ лишился, егда, спящу ему, паде гной отъ гнѣз-

да ластвица на очи его. Олоферну, вождю многихъ войскъ Ассирійскихъ, спящу, отъять главу рука женска; Сисару, вождю Ханаанскому, утрудшуся на брани и уснувшу, жена прободе коломъ главу сквозь. Но почто многіе доводы? Вѣдомо всякому, яко аще бы земледѣлецъ проспалъ время удобное къ оранію и сѣянію, или къ дровъ сажденію и прививанію, невозможно было бы отъ нихъ надѣяться плодовъ земныхъ и древесныхъ. Истецъ, или отвѣтчикъ, аще когда просрочится, теряетъ дѣло свое и осужденъ бываетъ, и прочая симъ подобная. Аще убо къ полученію и содержанію малыхъ вещей, временныхъ и преходящихъ, потребно бдѣніе и попеченіе, а дреманіе и нерадѣніе не полезно, паче же и вредительно есть: кольми паче о вещи самой важнѣйшей, о полученіи жизни вѣчнаго бдѣніе потребно есть! Како не бдѣти о дни и часѣ, на которомъ виситъ вѣчность? День же сей и часъ суть дни и часы сего временнаго житія нашего, по вышереченному и по словеси Апостола Павла: *споспѣшествующе молимъ, не вотще благодать Божію пріяти вамъ. Глаголетъ бо: во время пріятно послушахъ тебе, и въ день спасенія помогахъ ти. Се*

нынѣ время благоприятно, се нынѣ день спасенія (2 Кор. 6, 1. 2). Аки бы сказалъ Апостолъ: вѣрующимъ во Христа и пріившимъ благодать Его, нынѣшнее время пріятно есть, и сіе время есть день спасенія. Въ сіе убо время должны подвизатися о спасеніи своемъ, да не тща будетъ въ насъ и недѣйствительна благодать Божія. Оставляю прочіе о томъ доводы, надѣяся, яко явно есть всякому, коль потребно есть бдѣніе и попеченіе хотящему внити на бракъ въ чертогъ небесный, и сему спорить никто не посмѣетъ и всякъ речетъ: вѣрно слово и всякаго пріятія достойно, есть сіе: *бдите, яко не вѣсте дни ни часа, вѣнъже Сынъ Человѣчскій пріидетъ.*

Посмотримъ же на себе, тако ли творимъ, якоже глаголетъ, т. е. бдимъ ли о своемъ спасеніи, или спимъ, ниже помышляюще о томъ. Безъ-сомнѣнія бдимъ о суетахъ міра сего, о житейскомъ тлѣніи, о чести и славѣ, или аще и меньшее что есть, сже въ велико ставитъ міръ сей; а о спасеніи спимъ сномъ твердымъ, аки на житіе сіе токмо надѣющеся и невѣрующе будущаго вѣка. Вся бо спасительная и увѣщательная Божественная

слова, аки во снѣ спяще слышимъ, или же слышаще отнюдь не слышимъ. Напримѣръ ясно о всѣхъ глаголетъ Господь Апостоломъ Павломъ: *всѣмъ явитися намъ подобаетъ предъ судищемъ Христовымъ, да примемъ кійждо, яже съ тѣломъ содѣла, или блага, или зла* (2 Кор. 5, 10). Кто бы, сія слыша съ разсужденіемъ, не дрогнулъ? Кто бы не встреталъ? Кто бы не убоялся, обличаемъ совѣстію хотя о единомъ нѣкоемъ согрѣшеніи? Кто бы отъ сильныхъ посмѣлъ немощныхъ насильствовати, поядати дома, земли и всякія пажити сиротъ и вдовицъ, чуждое похищати, неправедно судити и прочая нечѣпая и неправая творити? Обаче людие, о многихъ беззаконіяхъ совѣстію обличаеми, не боятся, играютъ, шутятъ, веселятся, еще же на всякій день и часъ прилагаютъ беззаконія къ беззаконіямъ, веселящеся о злыхъ и радующеся о совершеніи зла, якоже Духъ Святыи глаголетъ въ притчахъ. И не спятъ ли? Не во снѣ ли слышатъ о судѣ слова Божія? Сонъ, во-истину едва не тяжелѣйшій сна парализнаго. Кто бо предъ судією смѣетъ творити противная, о нихъже судится, якоже чловѣцы предъ всевѣдящимъ Судією

Богомъ, любодѣйствуютъ, крадутъ, разби-
вають, другъ друга обманываютъ, обидятъ
и отмщеніемъ за малое ближняго прегрѣше-
ніе горять ярости пламенемъ неугаспмымъ,
геенскимъ?

Ясная сія словеса суть, Спасителемъ на-
шимъ реченная: *какая польза человеку, аще при-
обрѣдетъ міръ весь, и отщепитъ душу свою?
Или что дастъ человекъ измѣну на души своей
(Марк. 8, 36. 37)?* Коями словесы показа
Спаситель намъ, яко душа человѣческая дра-
жайша есть всего міра. Нѣтъ таковыя ни
единныя вещи, на которую бы возможно было
человѣку промѣнати душу свою, ни на весь
міръ. Но въ таковой ли цѣнѣ имѣють чело-
вѣцы душа своя? Не мѣняютъ ли на каковыя
вещи? Не торгуютъ ли душами своими?
Торгуютъ, мѣняютъ, ради прибыли; гдѣ
какую можетъ кто обрѣсти прибыль, продаетъ
душу свою. Христосъ глаголетъ: аще бы кто
и весь міръ приобрѣлъ погубленіемъ души
своея, не имѣлъ бы отсюду ни единныя поль-
зы, но паче убыль бы во вѣки безмѣрную,
ни чѣмъ ненагражденную; а человекъ не
за міръ, но за нѣкую кроху міра сего, за
грудю земли, за кусокъ хлѣба, за малую сла-

дось грѣховную, за дружество, за честь мнимую, за суетную славу теряетъ душу свою и часть себѣ прибыль быти. Теряетъ же всегда, колькраты неправеднымъ проискомъ ищетъ себѣ имѣнія со обидою ближняго; колькраты обманомъ и лжами, и клеветами, оболганіемъ, ложными доносами, лже-свидѣтельствомъ, неправдою, клятвою, или присягою обидитъ ближняго; колькраты, сластемъ и прихотемъ своимъ работая, преступаетъ законъ Божій. Сими бо и прочими, симъ подобными, продаетъ ни за что, паче же погубляетъ чловѣкъ душу свою. И не спяще ли и аки во снѣ сія словеса Хрестова слышимъ: *какая польза чловѣку, аще міръ весь приобрящетъ, и отщепитъ душу свою? или что дастъ чловѣкъ измѣну на души своей?*

Не требуетъ толкованія и сіе уложеніе, въ канцеляріи небесной прежде вѣкъ уставленное, рукою Божіею закрѣпленное, въ началѣ бытія праотцу нашему объявленное, Апостоломъ Павломъ проповѣданное установленіе: *лежитъ чловѣкомъ единою умерти, потомъ же судъ* (Евр. 9, 27). Слышимъ сей указъ Божій, и не токмо слышимъ, но и видимъ по вся дни мертвыхъ, видимъ смерть посреди

наеъ живущую, съ нами ядущую, и пїющую, и спящую, ни единаго возраста челоувѣча, ни единаго пола, ни единаго чина отъ меньшаго даже до большаго шадящую; обаче суть таковїи, которые не вѣдомо какъ многая себѣ лѣта обѣщаютъ, того ради едино попеченіе о жизни сей имѣютъ, и такъ живутъ, аки бы имъ никогда не умерати; собравше правдою и неправдою богатство большее, веже житію сему потребно есть, аще не языкомъ, то помышленіемъ своимъ съ онымъ бѣднымъ богатымъ Евангельскимъ глаголютъ: *душе, имаша многа блага, лежаща на лѣта многа: почивай, яждь, пїй, веселися* (Лук. 12, 19). Что сіе есть? Откуда таковое дреманіе въ людехъ? Боятся людїе мыслити о смерти, и когда прїдетъ кому о томъ помыслити, отвращаютъ умъ свой отъ сего ко инымъ вещамъ и дѣламъ. Во-истину непрїятно сіе помышленіе есть челоувѣку; но и больному страшно есть лекарство горькое, обаче ради здравїя охотно прїемлетъ оное. Не рады очи на тѣль своемъ язву нѣкую страшную видѣти, обаче смотрятъ на ню. прилежно, когда дабы та язва исцѣлѣла. Тако благоразумный челоувѣкъ долженъ паче бояться тщеты души

своея, неже страха смертнаго, и часто помышляти, яко нѣсть ни единого возраста, ни единого часа таковаго, въ который бы не могъ умерети. Таковое бо помышленіе, во глубину сердца вшедшее, человѣка премѣняетъ на лучшее, изъ тѣлеснаго творить духовнымъ, изъ грѣшнаго святымъ, воеже бы ему не бояться пришествія Господня, но желати и любити.

Не всеу Господь нашъ многими увѣщаетъ насъ ко бдѣнію о пришествіи Его; не всеу Іисусъ, сынъ Сираховъ, глаголетъ: *поминай послѣдняя твоя, и во вѣки не согрѣшиши* (Сир. 7, 39). Кто бо, видя себе къ судіи ведома и скоро къ судищу его предстати вмуща, на самага судію дерзаетъ согрѣшати? Се мы вси на всякій день и часъ идемъ на судъ, и толкая есть слѣпота человѣческая, яко въ самомъ пути къ суду самага Судію обидимъ, и на праведный гнѣвъ подвигаемъ Его. Кто осужденъ на смерть, егда уже ведутъ его на убіеніе, смѣется и шутитъ, или о блудодѣяніи, о полученіи каковыя чести, или прибыли глаголетъ, развѣ бы былъ весьма безуменъ? Се мы вси на смерть осуждены, и указъ той смертной слышали многожды и

исполненіе его видимъ, а житіе наше сіе временное ничтоже ино есть, токмо путешествіе къ смерти; обаче на пути семъ, который не можетъ быть долгіи, что творять мнози человекѣцы, и вси Христіане что помышляютъ, что глаголють? Помышляютъ, глаголють и пекутся о прибыли, о чести, о властяхъ, о мщеніи, да не реку, о беззаконіяхъ и неправдахъ, аки бы пути къ смерти никогда не имѣли скончати. Что сіе есть иное, токмо спати о самыхъ необходимыхъ и нужнѣйшихъ вещахъ, а бдѣти о маловажныхъ, суетныхъ, или спати и спяще о самыхъ мечтаніяхъ пещься? Тако спящъ не можетъ надѣятися пріятія на блаженный оный бракъ съ мудрыми дѣвами, но развѣ отверженія отъ него съ юродивыми.

Что убо сотворимъ, да сподобимся внити въ чертогъ небесный? Аще истинно желаемъ внити, должны есмы то творити, еже Спаситель нынѣшнею притчею объяви намъ яснымъ словомъ сказа: *бдите убо, яко не вѣсте дне, ни часа, въопъже Сынъ человѣческій придетъ*. Тожде и Апостоль Павель глаголетъ: *часъ уже намъ отъ сна востати: нынѣ бо ближайшее намъ спасеніе, нежели егда вървоахомъ*

(Рим. 13, 11. 12). И на иномъ мѣстѣ: *возстани спяй, и воскресни отъ мертвыхъ, и освѣтитъ тя Христосъ* (Еф. 5, 14). Востани спяй на дѣвольской подушкѣ гордости, зависти, ненависти; почто ся гордять земля и пепель? восклицаетъ Иисусъ сынъ Сиравовъ. Востани спяй отъ тиннаго одра нечистоты; востани спяй отъ безпокойнаго одра сребролюбія; востани спяй отъ одра огненнаго гнѣва и ярости, дынущаго отмщеніемъ ближнему; престани отъ гнѣва, остави ярость, вручи досаду твою Богу, иже есть отмщеній Господь, отъ негоже и самъ просиня оставленія грѣховъ, и не просто, но въ примѣръ себе представляя Богу, глаголя сице: *остави намъ долги наша, якоже и мы оставляемъ должникомъ нашимъ*. Понеже тако молящіяся, сами другъ другу не оставляютъ согрѣшеній и говорятъ, чтобы имъ Господь тако сотворилъ, якоже они творять другъ другу: то и имъ не оставляетъ Господь согрѣшеній, но еще къ отмщенію воспламеняется. Востани спяй, и воскресни отъ мертвыхъ—отъ всякаго грѣха смертнаго, имъже умерщвленъ лежиши мертвъ. Востани и воскресни отъ мертвыхъ, и освѣтитъ тя Христосъ, и будещи

готовъ въ чертогъ на бракъ небесный. Три вещи разсуждай, да не согрѣшиши, глаголетъ нѣкій мудрецъ Еврейскій ('): первое, откуда пришелъ еси, второе, камо грядеши, третье, кому дати имашь отвѣтъ житія твоего? Откуда пришелъ еси? Отъ существа смраднаго. Камо грядеши? На мѣсто праха и червей. Кому имашь дати отвѣтъ? Царю царей, святому и благословенному. Одинъ премудрый Христіанскій учитель о томъ глаголетъ: обща тебѣ Богъ, яко, въ онъже день обратившися, забудеть злодѣяніе твое прежнее, но житія заутренняго никогда не обща тебѣ. И абіе, Богъ день смерти нашей душеполезно оставилъ; о дни послѣднемъ своемъ кійждо душеполезно помышляетъ; милосердіе Божіе есть, яко не вѣсть чловѣкъ, когда умреть. Утаенъ послѣдній день, дабы всѣ дни хранямы были.

Понеже убо не вѣмы дне послѣдняго, во вся дни и на всякій день бдѣти долженствуемъ; имамы на то образецъ изрядный, едину отъ премудрыхъ дѣвъ, нынѣ празднуемую святую

(') Раввинаъ Ахабіа.

Великомученицу Екатерину. Сія премудрая и храбрая дѣва, поуже всегда бдяше, ждуще пришествія своего Жениха Христа, пришедшу Ему, обрѣтесе готова, изыде въ срѣтеніе Ему и вииде въ чертогъ небесный оный бракъ. Тщашеса врагъ душъ нашихъ запятія и препятства къ браку сему сотворити, и того ради воздвиже на ню сильнаго мучителя царя Максимина, иже и ярости мучительскія и лести діавольскія употреби на ню, ово страшными муками претя, аще не восхоцетъ, ово обѣщаніемъ сластей и благихъ міра сего прельщая, аще восхоцетъ отрещися Христа Жениха своего; но всѣми сими ничтоже успѣ, обрѣте бо Екатерину не спящу, но бдящу о будущемъ вѣцѣ. Ни благими міра сего прельстився, ни прещеніи мучительскихъ убоися, избра паче житія своего многими разными муками лишитися, нежели Жениха своего отрещися, въ живої памяти пмунци, а не во снѣ, сіе спасительное Христово увѣщаніе: *какая польза человеку, аще міръ весь приобрящетъ и отцетитъ душу свою!* Аминь.



**Издательство православной
богословской литературы
“АКСИОН ЭСТИН”
(Санкт-Петербург)**

Книги издательства “Аксион эстин” — это православные исследования, удачно сочетающие высокий научно-академический уровень и доступную форму изложения. Они будут интересны и полезны преподавателям и студентам богословских и гуманитарных ВУЗов, православных духовных академий и семинарий, всем верующим, желающим лучше понять христианское вероучение.

Посетите наш сайт в интернете по адресу:

www.axion.org.ru

На сайте:

- подробная информация о новоизданных книгах;
- возможность бесплатной загрузки большого количества электронных книг по богословию, библеистике, патрологии, которые легко читать на компьютере или распечатать на принтере;
- возможность заказать книги для доставки по почте (в том числе и электронные книги, которые высылаются на компакт-дисках).

Ваши вопросы и пожелания направляйте, пожалуйста, по электронной почте: info@axion.org.ru